

[Missing]

## PREAMBULO

Nũxũ tacuaxgũ rũ guxũma ĩ duũxũgũ rũ nawũxigu i Tupanapexewa rũ tataxuma ya texé i togũarũ yexera ixĩxê. Rũ name nixĩ na nataãêgũxũ ĩ guxũma ĩ duũxũgũ. Rũ ngẽmacax tama tanaxwaxe i texé nũxũ tarũporamaê ĩ togũ i duũxũgũ rũ exna chixri namaã tachopetũ.

Nũxũ tacuaxgũ rũ ñuxguacũ rũ togũ i âêxgacũgũ rũ chixri nũxna nadau i norũ duũxũgũ rũ chixri namaã nachopetũ. Rũ wũxi i taxũ ĩ chixexũ nixĩ ĩ ngẽma ĩ guxũ ĩ duũxũgũpexewa. Rũ ñuxma tanaxwaxe i guxũ ĩ duũxũgũ i guxũ ĩ naãnewa rũ meã namaxê. Rũ tama name na texé nachuxuxũ ĩ ngẽma nũxũ yaxuxchaũxũ ĩ duũxũgũ. Rũ tama name na texé nachuxuxũ ĩ ngẽma nũxũ yaxõgũaxũ ĩ duũxũgũ. Rũ tama name ĩ togũxũ na namuũêxũ ĩ duũxũgũ.

Rũ tanaxũmatũgũ i ñaã oregũ erũ tanaxwaxe i âêxgacũgũ meã nũxna nadaugũxũ ĩ norũ duũxũgũ. Erũ tama tanaxwaxe i yixcũra tacũ rũ chixexũcax norũ âêxgacũmaã nanuê ĩ duũxũgũ rũ namaã nũgũ nadai.

Tama name ĩ wũxi i nachiũãne rũ to i nachiũãnemaã nũgũ na nađaixũ.

Poperawa tanaxũmatũgũ rũ guxũma ĩ nachiũãnecũãxgũ i duũxũgũ rũ nawũxigu i Tupanapexewa rũ tataxuma ya texé ta togũarũ yexera ixĩxê. Rũ yatũgũ rũ ngexũgũ rũ nawũxigu, rũ wũxichigũ rũ name. Rũ name nixĩ na naxãxchiruxũ ĩ guxũ ĩ duũxũgũ rũ name nixĩ na naxãwemũxũ. Rũ name nixĩ ĩ meã nũgũmaã na namaxêxũ ĩ duũxũgũ rũ tama nũgũ na nađaixũ.

Rũ guxãma ĩ yixemagũ i ngutaqexegũxũ rũ tapuracũechaũ na nũxũ nangũxêêgũxũcax i guxũma ĩ duũxũgũ na aixcũma meã namaxêxũcax rũ nataãêgũxũcax.

Rũ ñuxma tanaxwaxe i guxũma ĩ duũxũgũ nũxũ nacuaxgũ i ngẽma uneta. Rũ ngẽmacax name nixĩ na meã naxũmatũgũxũ na nũxũ nacuaxgũxũcax i guxũma ĩ duũxũgũ.

## GUXÃMA Ĩ YIXEMA Ĩ GUXũ Ĩ NACHIũãNEWA NE ĨXÊ

Rũ nũxũ tixu rũ ñatarũgũgũ:

Rũ nangêxma ĩ maxũ ĩ mexũ ĩ guxũ ĩ duũxũgũcax ixĩxũ, rũ taxucũrũwa i texé tanachuxu i ngẽma. Rũ tanaxwaxegũ i guxũ ĩ nachiũãnecũãx i duũxũgũ nũxũ nacuaxgũ i ngẽmachiga. Rũ ngẽmacax rũ name nixĩ na guxũwama duũxũgũ nanagũxêêgũxũ ĩ ngẽmachiga, na guxũma ĩ duũxũgũ nũxũ nacuaxgũxũcax.

## ARTICULO 1.

Ngêxguma nabuxgu i duũxũgũ rũ guxũma nawũxigu, rũ tataxuma ya texé ya togũarũ yexera ixĩxê. Rũ guxũma naxããêgũ rũ ngẽmacax rũ name nixĩ na nũgũmaã namecũmaxũ ĩ guxũma ĩ duũxũgũ.

## ARTICULO 2.

Rũ name nixĩ na wũxichigũ i duũxũ meã namaxũxũ ngêxgumarũ ĩ ñaã popera nũxũ ixuxũrũ. Rũ taxucũrũwa i texé tanachuxu i ngẽma. Rũ nũêta i ngexta nabuxgu i wũxi i duũxũ, rũ exna tacũ rũ duũxũ yixĩxgu. Rũ nũêta ega yatũ yixĩxgu rũ exna ngexũ yixĩxgu. Rũ nũêta i tacũ i nagawa yadexaxgu rũ exna ñuxacũ Tupanaãxũ yaxõõgu. Rũ nũêta ega tacũ rũ âêxgacũtanũxũ yixĩxgu rũ exna tacũgu naxĩnũgu. Rũ nũêta ega namuãrũ đĩeruãxgu rũ exna tama. Erũ guxũ ĩ duũxũgũcax nixĩ ĩ ñaã maxũ ĩ mexũ.

Rũ nũêta ega tacũ rũ nachiũãnecũãx yixĩxgu i wũxi i duũxũ, erũ guxũ ĩ nachiũãx i duũxũgũcax nixĩ ĩ ñaã maxũ ĩ mexũ.

## ARTICULO 3.

Rũ ngêxguma tama tacũ rũ chixexũ naxũxgu i wũxi i duũxũ rũ taxucũrũwa wũxi i âêxgacũ nũxna nanachuxu i tacũ i mexũ ĩ nagu naxĩnũxũ rũ taxucũrũwa naxãũxũneãcũ rũ exna napoxcuaxũ rũ exna yamããxũ.

## ARTICULO 4.

Rũ ngêxguma togũãxũ napuracũgu i wũxi i duũxũ name nixĩ na nayauxãxũ ĩ natanũ. Rũ tama name na ngetanũãcũma na napuracũxêêãcũ.

## ARTICULO 5.

Rũ tama name na wũxi i âêxgacũ nũxna na nacuaixcaxũ ĩ wũxi i duũxũ rũ exna chixri namaã naxũpetũ wũxi i airurũrũ.

## ARTICULO 6.

Rũ marũ name na âêxgacũpexewa na nanguxũ ĩ ngexũrũxũ ĩ duũxũ na norũ guxchaxũ yaxuxũcax na namexêêãxũcax.

## ARTICULO 7.

Rũ âêxgacũpexewa rũ guxũma ĩ duũxũgũ rũ nawũxigu. Rũ name nixĩ ĩ âêxgacũ na nũxũ rũngũxêêxũ ĩ guxũma. Rũ tama name na chixexũ namaã naxũxũ ĩ wũxi, rũ nũxũ na nangũxêêxũ ĩ to, erũ guxũma ĩ duũxũgũ rũ nawũxigu.

## ARTICULO 8.

Rũ ngêxguma texé tacũ rũ chixexũ wũxi i duũxũmaã taxũxgu rũ name nixĩ na âêxgacũpexewa na naxũxũ ĩ ngẽma duũxũ. Rũ marũ name na âêxgacũmaã nũxũ na yaxuxũ na âêxgacũ namexêêxũcax i ngẽma.

## ARTICULO 9.

Rü ngëxguma tama tacü rü chixexü naxüxgu i wüxi i duüxü rü taxucürüwa wüxi i âëxgacü nanapoxcu. Rü taxucürüwa norü nachiüânewa inanataxüchi.

#### ARTICULO 10.

Rü ngëxguma wüxi i duüxü to i duüxüxü ixuâxügu rü taxucürüwa âëxgacü nanapoxcu ega tama meâ nüxna nacaxiragu i ngëmachiga.

#### ARTICULO 11.

Rü ngëxguma wüxi i duüxü to i duüxüxü inaxuâxügu rü taxucürüwa i âëxgacü nüxü nixu na aixcûma wüxi i chixexü na naxüxü ega tama meâ nüxna nacaxiragu i noxrix.

Rü ngëxguma tama âëxgacü nachuxuxgu i noxrix, rü taxucürüwa i yixcûra rü wüxi i duüxü napoxcu naxcax i ngëma. Rü taxucürüwa poraâcü nanapoxcu ega tama nataxgu i ngëma chixexü i naxüxü i wüxi i duüxü.

#### ARTICULO 12.

Rü ngëxguma tacü rü chixexü naxüxgu i wüxi i duüxü rü taxucürüwa i âëxgacü nanapoxcu i naxmax rü exna naxâcügü naxcax i ngëma. Rü taxucürüwa âëxgacü ngëma duüxüpatagu naxücu rü exna ngëma duüxüârü carta niwâxna. Rü taxucürüwa âëxgacü nüxü nixu i tacü i ore i chixexü i ngëma duüxüchiga, erü nachuxu i ngëma.

#### ARTICULO 13.

Rü ngëxguma chi ngextá naxüxchaügu wüxi i duüxü i nachiüânawatama rü taxucürüwa âëxgacü nanachuxu i ngëma.

Rü ngëxguma chi to i nachiüânewa naxüxchaügu rü taxucürüwa âëxgacü nanachuxu i ngëma. Rü taxucürüwa nanachuxu na nataeguxü.

#### ARTICULO 14.

Rü ngëxguma wüxi i âëxgacü chixexü namaâ üxchaügu i wüxi i duüxü rü marü name na ngëma âëxgacüchaxwa yaxüxü rü to i nachiüânewa naxüxü.

Natürü ngëxguma aixcûma wüxi i chixexü naxüxgu i ngëma duüxü rü marü name i âëxgacü nanataeguxêê na napoxcuâxücax.

#### ARTICULO 15.

Marü name na wüxichigü i duüxüâxü na nangëxmaxü i norü bupane rü nachiüâne.

Taxucürüwa wüxi i âëxgacü nanapu i wüxi i duüxüârü bupane. Natürü ngëxguma nanaxwaxegu i wüxi i duüxü rü marü name na nüxna na yaxüxü i ngëma nachiüâne na to i nachiüânewa naxüxücax na ngëmaxüâx yixixücax.

#### ARTICULO 16.

Ngëxguma nayaxgu i yatü rü marü name na naxâmaxü. Rü ngëxgumarüü i ngexügü rü ngëxguma nayaxgu rü marü name na naxâtexü. Rü nüêta ega tacü rü duüxü yixixgu i nûmagü rü exna tacü rü nachiüânegüâx yixixgu rü exna tacü rü machiüânecüâ yixixgu rü exna nuxâcü Tupanaâxü yaxôâgu. Rü taxucürüwa texé nüxna tanachuxu i ngëma na naxâmaxü rü exna naxâtéxü rü exna naxâxâcûxü. Rü ngëma yatü rü ngëma ngexü rü nawüxigumare.

Rü ngëxguma tama naxâtechauügu i wüxi i ngexü rü taxucürüwa texé tanamu na naxâtéxücax. Tü ngëxgumarüü i yatüxü rü ngëxguma tama naxâmaxchauügu rü taxucürüwa texé tanamu na naxâmaxücax.

Rü marü name na naxâmaxü rü naxâtéxü rü naxâxâcûxü i duüxügü. Rü name nixi na âëxgacü rü ngëma duüxügüxü inapoxüxü rü nüxna na nadauxü.

#### ARTICULO 17.

Rü marü name na wüxichigü i duüxü rü nüxü nangëxmaxü ya napata rü norü naâne rü norü ngëmaxügü. Rü ngëxguma chi to i duüxümaâ yatoyechauügu i norü ngëmaxügü gü marü name na yatoyêxü.

Rü taxucürüwa texé wüxi i duüxüna tanapu i norü ngëmaxügü rü napata rü exna tacü i to i nüxü ngëxmaxü.

#### ARTICULO 18.

Rü wüxichigü i duüxü rü marü name na nûma nanaxwaxexüâxüma nagu na naxinüxü exna Tupanaâxü na yaxôôxü. Natürü ngëxguma toâcûma nagu naxinüchauügu rü exna toâcûma Tupanaâxü yaxôxchauügu rü taxucürüwa texé nüxna tanachuxu i ngëma. Rü ngëxguma togümaâ nüxü yaxuxchauügu i ngëma nagu naxinüxü rü exna yaxôxü rü ngëma rü ta rü name. Rü ngëxguma nüxicatama Tupanaâxü yaxôxchauügu rü ngëma rü name. Natürü ngëxguma togümaâ nangutaquexechaügu na Tupanaxü yacuaxüxügüxücax rü ngëma rü ta name rü taxucürüwa texé tanachuxu i ngëma.

#### ARTICULO 19.

Rü wüxichigü i duüxü rü marü name na nûma nanaxwaxexüâcûma nagu na naxinüxü rü taxucüma texé nüxna tanachuxu i ngëma. Rü taxuacûma texé tanapoxcu naxcax i ngëma nagu naxinüxü. Rü taxucürüwa texé tanachuxu na togümaâ nüxü na tixuxü i ngëma nagu tarüxinüxü.

#### ARTICULO 20.

Rü ngëxguma nangutaquexechaügu i wüxi i duüxü rü taxucürüwa texé nüxna tanachuxu i ngëma ngutaquexe.

Taxúema nūxna tanachuxu i wūxi i duūxũ ega tama nanaxwaxegu na wūxi i ngutaquexetanũxũ nũgũ yaxĩxẽẽxũ.

#### ARTICULO 21.

Rũ ngẽma na ãẽxgacũxũ yangucuchixẽẽxũ i wūxi i duūxũ rũ guxũ i duūxũgũmexẽwa nangẽxma i ngẽma.

Rũ name nixĩ na ãẽxgacũ nũxũ rũngũxẽẽxũ i guxũma i ngẽma duūxũgũ i naxmexwa ngẽxmagũxũ.

Rũ name nixĩ na nangutaquexegũxũ i duūxũgũ na meã nũxũ naxunetaxũcax i norũ ãẽxgacũgũ. Rũ name nixĩ na wũxichigũ nuxũ naxunetaxũ i na ngexũrũũxũ i ãẽxgacũ nanaxwaxegũxũ.

#### ARTICULO 22.

Rũ name nixĩ na ãẽxgacũ nuxũ rũngũxẽẽxũ i guxũma i norũ duūxũgũ na meã namaxẽũcax rũ taxuma tacũ rũ chixexũ namaã naxũgũũcax i ngẽma norũ duūxũgũ.

#### ARTICULO 23.

Rũ name nixĩ na wũxichigũ i duūxũ nũxũ na nangẽxmaxũ i norũ puracũ. Rũ taxucũrũwa texé nūxna tanachuxu na napuracũxũ nawa i ngẽma norũ puracũ i nūma nanaxwaxexũ. Rũ taxucũrũwa texé tanamu nawa i wūxi i puracũ i tama nūma nanaxwaxexũ.

Rũ name nixĩ na wũxichigũ i duūxũ fũ nayauxãxũ i natanũ naxcax i norũ puracũ. Rũ ngẽxguma ñuxre i duūxũgũ napuracũegu i wūxi i puracũwa, rũ ngẽxguma nawũxiguxgu i ngẽma norũ puracũwa, rũ name nixĩ na nawũxiguxũ i natanũ i ngẽma puracũcax nayauxgũxũ.

Rũ ngẽxguma wūxi i duūxũ rũ to i duūxũna naxãagu i wūxi i puracũ rũ name nixĩ na meã nũxũ na naxũtanũãxũ. Erũ name nixĩ na wũxichigũ meã nayaxuxũ i natanũ na ngẽmamaã meã nūxna na nadauxũcax i ngẽma naxmax rũ naxacũgũ.

Rũ ngẽxguma ñuxre i puracũtanũxũgũ wũxigu puracũchaũgu na meã nũxũ naxũtanũgũãxũcax rũ taxucũrũwa texé tanachuxu nūxna i ngẽma.

#### ARTICULO 24.

Rũ guxũma i duūxũgũ rũ name na nangũgũxũ i ñuxguacũ na tama guxũguma napuracũexũcax. Rũ ngẽxguma wūxi ya taunecũ wūxi i corixũtawapapuracũgu i wūxi i duūxũ rũ name nixĩ na ngẽma cori nūxna na nxãxũ i ñuxre i ngunexũ na nangũxũcax. Rũ name nixĩ na ngẽma ngunexũgũ i nagu nangũxũ i ngẽma cori nũxũ na naxũtanũxũ naxcax i ngẽma ngunexũgũ i nagu nangũxũ i ngẽma norũ duūxũ.

#### ARTICULO 25.

Rũ name nixĩ na meã namaxũxũ i wũxichigũ i duūxũ na tama yadaawexũcax i nūma rũ naxmax rũ exna naxãpataxũ i wũxichigũ i duūxũ. Rũ ngẽxguma yadaawexgu rũ name nixĩ na nangẽxmaxũ i norũ duturu. Rũ ngẽxguma taxuacũma norũ puracũxũ iyangauxgu i wūxi i duūxũ rũ name nixĩ na ãẽxgacũ nũxũ rũngũxẽẽxũ. Rũ ngẽxguma nayutegu rũ exna poraãcũ nayaxgu i wūxi i duūxũ rũ nũxũ natauxgu i ngẽma norũ ngũxẽẽruũ, rũ name nixĩ na ãẽxgacũ nũxũ rũngũxẽẽxũ.

Rũ name nixĩ na ãẽxgacũ nũxũ rũngũxẽẽxũ i ngẽma ngexũgũ i ãxãxũgũxũ. Rũ ngẽxgumarũ ta name nixĩ na ãẽxgacũ nũxũ rũngũxẽẽxũ i guxũma i buxũgũ woo naxãnatũgu rũ exna nangenatũgu.

#### ARTICULO 26.

Rũ name nixĩ na poperaxũ nacuaxgũxũ i guxũma i duūxũgũ. Rũ tama name na buxũgũ naxũtanũgũxũ naxcax i ngẽma na nangũexũ. Rũ name nixĩ na guxũma i papagũ rũ norũ buxũgũxũ namuxũ na nangũexũcax. Rũ ngẽxguma secundáriawa rũ exna institútowa rũ exna universidówa naxũxchaũgu i wūxi i naxãcũ rũ name nixĩ na ngẽma naxũxũ ega chi aixcũma mexũ i buxũ i ngũxwaxexũ yixĩgu.

Rũ ngẽma buxũgũarũ profesórgũ rũ name nixĩ na meãma nangũexẽẽãxũ i buxũgũ na meã guxũ i duūxũgumaã namaxẽxũ. Rũ taxúena nachũxaxũcax na nũgũ nangechaũgũxũ i wũxichigũ i nachĩũãne rũ exna duūxũgũ i to i nagawa idexagũxũmaã rũ exna nũxũ yaxõõxũ na ngẽmaãxũ nataãẽgũxũcax.

Rũ ngẽxguma wūxi i papa rũ wūxi ya escuela ya mexũnewa namuxchaũãgu i norũ buxũ rũ ngẽma rũ ta name.

#### ARTICULO 27.

Rũ name nixĩ na wũxichigũ i duūxũ rũ nataãẽxũ namaã i guxũma i mexũgũ i norũ ñãnewa ngẽxmaxũ. Rũ ngẽxguma nangẽxmagu i tacũ i mexũ i ñãneãrũ ixĩxũ rũ name nixĩ na nũxũ nacuóxũ na guxũãrũ yixĩxũ i ngẽma.

Rũ ngẽxguma texé naxũmatũgu i wūxi i popera rũ exna wūxi i naxchicũnaxã taxũxgu rũ namaã tataxegu, rũ name nixĩ na tanayaxuxũ i natanũ naxcax i tũmaãrũ puracũ.

#### ARTICULO 28.

Rũ taxucũrũwa texé tanachuxu na meã ñãã popera nũxũ ixuxũrũũ namaxũxũ i wūxi i duūxũ.

#### ARTICULO 29.

Rũ name nixĩ na wũxichigũ i duūxũ rũ meã norũ ñãnecax napuracũxũ rũ meã guxũ i togũ i norũ ñãnecũãxgũmaã namaxũxũ.

Rũ name nixĩ na meã namaxẽxũ i guxũma i duūxũgũ, natũrũ taxucũrũwa texé chixri naga taxĩnũ i tũmaãrũ ãẽxgacũ. Rũ tama name na wūxi i duūxũ rũ to i duūxũmaã chixexũ naxũxũ.

Rü taxucürüwa texé chixri naga taxĩnú ĩ ngẽma nũxũ yaxuxũ ĩ ñaã popera erũ ñã nixĩ ĩ nagu naxĩnũẽxũ ĩ guxũma ĩ nachiũãnegũ i wũxigu rũxĩnũẽxũ.

ARTICULO 30.

Rü guxũ ĩ nachiũãnewa rü taxucürüwa tacũ rü ãẽxgacũ chixri naga naxĩnú ĩ ñaã popera. Rü name nixĩ na guxũma ĩ togũ i duũxũgũ rü ta meã naga naxĩnũẽxũ ĩ ñaã popera. Erũ tanaxwaxe na meã namaxẽxũ ĩ guxũma ĩ duũxũgũ ĩ ñaã popera nũxũ ixuxũrũũ.